

SEGI. Zazpi gazte atxilotu zituzten Baionan protesta ekintza batean, eta handik ordu batzuetara askatu zituzten



BOB EDME
Protestaldia egin zuten gazteak Baionako karrikan eserita, erdian bidoia dutela.

EHUko irakasle talde batek gazteen kriminalizazioa salatu du

Erredakzioa | BILBO

Euskal gazteen kriminalizazioa salatu du Euskal Herriko Unibertsitateko Leioako campuseko irakasle talde batek. Gazteek egun duten egoera gaitzetsi ondoren, Euskal Herriko gatazka politikoa gainditzeko konponbide demokratiko bat «ezinbestekotzat» hartzen dute.

Komunikazio eta Informazio Zientzietako, Arte Ederretako, Filosofiako, Enpresa eta Ekonomi Zientzietako, Ingeniari-tzako Goi Eskolako eta Zientzia Fakultateko 40 bat irakaslek sinatu dute gazteen kriminalizazioaren aurkako adierazpena. Idatzia sinatu duten irakasleen artean daude Ander Iturriotz, Mila Amurrio, Mario Zubiaga, Patxi Zabalo, Manu Soto, Idoia Fernandez, Josu Zubiaur eta Pedro Uria irakasleak.

Sinatzaileen irudiko, Euskal Herria salbuespen egoeran bizi da. «Gazte-riak pairatzen duen egoera larria da horren adibiderik larriena». Hirurehun gazte Auztegi Nazionaletik pasatu direla eta beste 25 espetxeratu egin dituztela gogoratu dute adierazpenean, eta zehaztu «euren delitu bakarra Euskal Herri euskalduna, independentea eta sozialista» aldarrikatzea dela.

Segi erakundeko kide izateagatik joan den astean Espainiako Poliziak eginiko atxilotetak «Espainiako eta Frantziako estatuek Euskal Herriaren aurka abian jarritako estrategiaren beste urrats bat» direla deritzote sinatzaileek.

Aitor Renteria | BAIONA

Frantziako Poliziak Segiko zazpi kide atxilotu zituen atzo Baionan, Segiren kontrako sarekada salatzekeo protesta ekintzan. Zazpi atxilotuen artean Yves Matxikote eta Haritza Galarraga zeuden. Garzonek bederatzi gazte atxilotzeko nazioarteko agindua eman zuen astelehenean, tartean bi horiena. Arratsaldean aske utzi zituzten atxilotu guztiak.

Matxikote eta Galarraga libre uzteko bi arrazoi egon daitezke, abokatuen ustez: agindua oraindik Frantziako epaitegitara ez dela heldu edo Frantziak ez duela indarrean ezarriko.

Atxilotuek Poliziak eman tratu salatu dute. «Atxiloturiko adingabeko neska bat biluzarazi zuten, etengabe mehatxuak egin, eta GAL aipatu», dio Askatasunak. Atxilotuek azaroaren 21ean aurkeztu beharko dute epaitegira, zirkulazioa moztearen salaketari aurre egiteko.

Segik Baionako Herriko Etxe-

Frantziako Poliziak atxilotu eta libre utzi ditu Galarraga eta Matxikote

Garzonek emana du atxilotzeko agindua

aren aitzinean egin zuen ekintza eguerdian. Bi gazte katez lotu ziren porlanaz beteriko bi bidoiri eta errepide nagusia itxi zuten. Giblean Segiko bost kidek *Gazte mugimenduaren defentsan*, *Segi tinko* zioen banderola atxikitzen zuten. Bertze gazte batzuek informazio orriak banatu zituzten. Ezker abertzaleko hainbat kide agertu zen atxikimendua erakusteko, bertzeak bertze Egoitz Urrutikoetxea Batasuneko mahaikidea.

Eguerdiko 12:50ean jin zen CRSen lehen furgoneta. Oren erdi berantago polizia ugari agertu ziren, eta berehala atxilotu zituzten banderola atxikitzen zuten lau gazteak. Bidoiei estekaturik zeudenen askatzeko kateak eta bidoiak moztu zituzten. Ordu biak aldera zabaldu zuten bidea.

«Europa egiten ari den tenorean, Europako buruzagiek behin eta berriz aipatzen dutelarik *demokrazia* hitza, oinarri-

ko eskubideak zangopilatzen dituzte», adierazi zuen Segik banatu informazio orrietan.

Ormazabal bermea jarrita aske

Garzonek bilatzeko eta atxilotzeko agindua eman zuen beste bederatzi gazteetako bat, Markel Ormazabal donostiarra, Garzonen aurrean aurkeztu zen atzo bere borondatez, eta epaileak, deklarazioa hartu ondoren, 20.000 euroko bermea jarri eta aske utzi zuen.

Garzonek erakunde armatuko kide izatea eta hainbat kale istiluren erantzukizuna leporatzen zion, astelehenean kartzelaturako 11 lagunei bezala.

Aipatzekoa da gazte hori otsailean atxilotu zutela Garzonen aginduz, zenbait kale istilutan parte hartzea egotzita. Bi astera bermea jarrita aske utzi zuen epaile horrek. Otsaileko sarekada horri lotutako beste gazte bat ere aurkeztu zen Auzitegian, Eneko Agirresarobe, baina epaileak ez zion deklarazioa hartu nahi izan.

Oiartzungo Udala

IRAGARKIA

Udal honek, 2002ko martxoaren 5ean egindako Osoko batzarra-dian, Altzibarko 8E alorra eratzekeo Oiartzungo Arau Subsidiarioen Aldaketako proiektua hasieran onartzea erabaki zuen eta hilabete bateko epean jendeaurrean jartzea, interesatuek alegazioak edo iradokizunak egin ditzaten.

Oiartzunen, 2002ko martxoaren 7an. ALKATEAK.

UDALTZAINAK

Arrasateko Udalak lan-poltsa bat sortu nahi du, berehala, hainbat UDALTZAIN plaza hornitzeko funtzionario interinoen izaeraz.

Baldintzak: - Eskola graduatua, LH1, Batxillerra edo baliokidea.
- Gidatzeko B1 baimena

Aurkezteko epea: 2002-03-16tik 2002-03-25era arte.

Oinarriak: Udaletxean jaso daitezke edo web orrian (www.arrasate-mondragon.net)

ARRASATEKO UDALA
AYUNTAMIENTO DE MONDRAGON

Pertsonal Saila ■

EUSKO JAURLARITZA **GOBIERNO VASCO**

ETXEBIZITZA ETA GIZARTE GAIETAKO SAILA DEPARTAMENTO DE VIVIENDA Y ASUNTOS SOCIALES

IRAGARKIA

2002ko martxoaren 15ean, ondorengo sustapenen esleipen-prozesuei dagozkien onartutako eta bazter utzitako zerrrendak argitaratuko dira:

- **LEGAZPIAN**, 24 gizarte-etxebizitza eta erregimen orokorrean dauden babes ofizialeko 46 etxebizitza.

Argitaratzeko lekua:
Gipuzkoako Lurralde Ordezkaritza - Andia, 13 - Donostia-San Sebastián

Ordutegia:
- Asteleheneetik ostegunera, 09:00etatik 13:00etara eta 15:00etatik 17:00etara.
- Ostiralean, 09:00etatik 14:00etara.

Zerrendak ikusgai: 2002/03/15etik 2002/04/15era.

Errekurtsioak aurkezteko epea: 2002/03/16tik 2002/04/16ra.